

تبریزین شرقیندن غربینه تراموا سالیبیر

تبریز شهرداری ایکی چینلی و کرواسی هیأت اینن گؤروشدہ تبریزین دمیر یول نقلیاتی باره سینده دئدی: تبریزین شهری مدیریتتی، لازم اولان استانداردلار، گون تکنولوژیسی و گرکلی گؤزلیلیی نظرده آلماغینان تراموا سالماغی دوشونور.

تبریز شهرداریسینین عمومی رابطه‌لرینین وئردیغی خبره گؤره، صادق نجفی کرواسی‌نین نقلیات تکنولوژی «کونچار» شرکتینین خدمت و ساتیش مدیری اینن گؤروشدہ دئدی: کرواسیده موفق ترکیبی نقلیات تجربه‌لری، مخصوصاً زاگربین ترامواسینداکی تجربه، ایکی طرفین مناسب رابطه‌سینه دقت یئتیرماغینان، تبریزین شهر قطارینا یاخجی نمونه اولا بیلر.

او، تبریز شهرداریسینین، دمیر یولو نقلیاتینین وضعیتینین مختلف اقتصادی استراتژی‌لر اینن نظرده آلدیغینین دئماغینان، تأکید ائله‌دی: آرتیق توافقه چاتماغینان، تبریزین شهر مدیریتتی طرفیندن مالی منابعین تأمین و خارجی طرفیندن گرکلی اطرافلی مطالعه‌لر اوچون بللی بیر زمانلاما تعیین ائدیله بیلر. نجفی آرتیردی: تبریزین شهری مدیریتتی، لازم اولان استانداردلار، گون تکنولوژیسی و گرکلی گؤزلیلیی نظرده آلماغینان تراموا سالماغی دوشونور و بونا گؤره، خارجی تعامل‌لرین گئدیشینده، گون تکنولوژیسینین بررسلیق و مقایسه ائلیر.

تبریز شهرداری بو گؤروشدہ، کونچار شرکتینین فنی پیشنهادلاری و وئردیغی مسیر نقشه‌لرینین بررسلیق ائله‌ماق ضمنینده، بو شرکتین تبریزین شهر نقلیاتی متخصص‌لری اینن گله‌جاقدکی هماهنگلیقلارینین لازم اولماسینا تأکید ائله‌دی.

کونچار شرکتینین مدیری، نینیچده بو گؤروشدہ، فنی و متخصص هیأتین بو گؤروشدن اول تبریزین یونگول شهر قطاری باره سینده‌کی پروژه‌نین اولیه فئتی معلوماتینا دقت یئتیرماغینین دئماغینان آرتیردی: بو مطالعه‌لره گؤره، «شمالدان جنوبا» مسیری تراموا مسیرلرینین اولویتتی اولا بیلر کی سونرالار بو مسیر «شرقدن غربه» مسیرینه یاپیشماغینان تبریز شهرینین احاطه ائله‌یه.

او آرتیردی: تبریزده اولان پوتانسیل‌لر و زیرساختلارا دقت یئتیرماغینان، بو شهرده تراموا قوشماغا مانع گؤروشمور.

تبریز شهرداری، کروات هیأتیندن قاباق، تبریزین دمیر یولو نقلیاتی باره سینده چینلی بیر هیأتی ایننده گؤروشوب دانیشدی.

نجفی، چینین نقلیات مهندسلیق شرکتلریندن بیرینین رئیسینی «لو چنگ» اینن گؤروشدہ دئدی: «تبریز متروسو واگونلارینا ایکی رام علاوه ائدیله‌یغی تقدیرده، آز زماندا مقرر مالی منابعینی ال سی و یا بانکلار آراسی شبکه‌لرین وئرماسی حاضروق.

او آرتیردی: بو جور پروژه‌لرده زمان لاپ مهم فاکتور ساییلیر و بونا گؤره، مالی منابعه نظرده آلدیغیمیز تدبیرلره دقت یئتیرماغینان، بو فاکتورو الدن وئرماسی اصلاً حاضر اولماروق.

لو چنگده بو گؤروشدہ دئدی: «مساعد همکارلیق سابقه‌یه دقت یئتیرماغینان، ایکی طرفین مشارکتینین دوامینا مانع یوخدور.